



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1521. usque ad annum 1525

**Fleury, Claude**

**August. Vind. [u.a.], 1769**

**VD18 90118472**

§. 74. Fœdus Galliarum Regis cum Ferrariensi Duce.

---

[urn:nbn:de:hbz:466:1-66495](https://nbn-resolving.org/urn:nbn:de:hbz:466:1-66495)

## §. LXXIV.

Sæcul. XVI.

A.C. 1525.

*Fœdus Galliarum Regis cum Ferrariensi Duce.*

Interea Franciscus Galliarum Rex obfirmato prorsus animo Papiensem obfidionem prosequabatur, sed tamen hucusque leve admodum damnum urbi intulit, quamvis ceteroquin præter hunc Monarcham forte vix alius quisquam Belliducum magis assiduus, in labore strenuus, ac animo intrepidus unquam visus fuisset. Inibat insuper fœdus cum Ferrariensi Duce, eique pollicebatur, se eum semper protecturum, ac eidem, si septuaginta aureorum millia suppeditaret, auxilio futurum, ut Ducatum suum recuperaret. Paucis ante hoc fœdus diebus exeunte anno priori obsidentes pulveris pyrii penuria laborabant, is vero cum Lugduno vix advehi posset, Galli Ferrariæ Ducem, cujus armamentarium inter cetera Europæ longe instructissimum erat, supplices adeunt, rogantque, ut pacto viginti aureorum millium pretio non modo pulverem pyrium, sed & belli machinas ad castra mitteret. Annuit Dux; unde petita pulveris, armorumque subsidia nullo obstante ad Parmensem & Placentinam ditionem bobus devehi jussit, præsidia agentibus ducentis levioris armaturæ Equitibus,

K k 2

20

Sæcul. XVI.  
A.C. 1525. ac mille quingentis peditibus, quos Johannes Medicæus ducebat; nam hic ob denegatam Cremonensis urbis præfecturam sese vindicandi occasionem quærebat, aut forte clam a summo Pontifice cognato suo stimulabatur, ut Gallorum stipendia mereretur. Equidem Piscarius ab exercitu suo sexcentos Lancearios, atque octo peditum millia avulserat, ut Pado Cremonæ trajecto nitratum pulverem interciperet, verum cum Monticelli nuncium acciperet, quod Fuxus Marefcallus ipsius hostis instaret, pedem referre, ac commeatui liberum transitum permittere cogebatur.

## §. LXXV.

*Classis Cæsarea profligata, Moncada captus.*

*Ant. de Vera*  
*hist. de Charl.*  
*V. p. 91.* Sequebatur hunc successum brevi alius Gallis magis proficiuus; nam Cæsarea classis, cui Hugo Moncada præerat, Savonam suæ subjecerat potestati, tamque amplo imperio totum Genuensis maris tractum obsidebat, ut omnem aditum illis interciperet, qui vel obsidentibus suppeditas ferre, aut Albanis Ducis exercitum novis militum supplementis augere molirentur: Cum ergo hæc classis non nisi tentato prælii discrimine propelli posset, Andreas ab Auria, ut eam invaderet,